




CANDELA FERROZ A DESTRUI CUATER ESTABLECIMENTO



conan explosivo cu tabata forma huma toxico.

Por a constata cu na Codemsa a logra saca diferente disknan valioso promer cu e edificio a pega candela. Na dado momento tabata re-ina peliger cu Master Cargo tambe lo a pega candela pero debi na actuacion rapido a evita esaki.

Te den oranan di mainta bomberonan a keda lucha cu e candela. Ayera durante dia ainda por a mira huma ta sali for di e ruinanen mientras cu bomberonan tabata ocupa cu e asina yama "na blussen". Cayanan den Eagle a worde completamente cera pa evita cu mirones ta yega cerca. Esaki a causa un stagnacion

enorme den trafico, no solamente pa mirones sino tambe pa habitantenan den Eagle.

E siniestro aki ta un sla duro pa hopi famia. DIARIO tin etendi cu e lugarnan ta segura y cu e trahadornan lo worde protehe segun nos leynan. Ayera durante dia, diferente safe a worde habri, mientras cu miembronan di Recherche a cuminsa cu un investigacion pa determina kico exactamente tabata e causa di e candela feroz aki.

Den curso di awe comandante di brandweer tin pensa di tene un conferencia di prensa pa duna mas informacion encuanto e candela aki.

ORANJESTAD(AAN) -- Diasabra candela feroz a destrui parti di Pizza Pub mientras cu El Patio, Club Visage y Certified Grocery y Codemsa a kima por completo.

Tabata den oranan di atardi, algun minuut promer cu 6'or, ora cu un patruya di Strand Politie a notifica Central cu huma ta ser mira ta sali banda di El Patio.

Na mesun momento tambe e agente policial a bati alarma cu ta un candela grandi tin y pa manda tur unidadnan cu ta posible.

E dos promer unidadnan di bombero cu a presenta na e sitio a bay staciona nan mes patras di e edificio caminda varios voluntario a cuminsa duna un man y desconecta e botterman di gas.

No a dura mucho cu por a mira masha hopi huma preto ta sali. Gerente di El Patio y

Certified Grocery a mira e amenaza pa nan negoshinan y a cuminsa evacua e lugarnan.

Entre tanto personal di Elmar y WEB a presenta na e sitio caminda WEB mester a percura pa suministro amplio di awa y Elmar mester a percura pa desconecta e electricidad.

No a dura mucho cu e candela a expande y a solicita ayudo di Fire Fighters di Coastal, kendenan a presenta cu un cantidad di voluntario.

Na dado momento a presenta problema cu presion di awa mientras cu mas y mas huma tabata sali.

Patruyan di Polis tabata worde dirigi pa e sitio pa asina desvia trafico y tambe personal di DOW a presenta pa pone baricadanan.

For di Brandweer a solicita

e "hoogwerker" y dos unidad special cu ta worde usa pa den casonan di emergencia cu avion na aeropuerto.

Notable ta cu a dura mas di un ora promer cu a cuminsa e "hoogwerker".

Observadornan a comenta cu nan ta haya cu e comandante di bombero su actitud tabata laga na desea. Ta asina cu na e sitio di siniestro tabata presenta miembronan di Cruz Cora, Fiscalnan y hasta miembronan di companianan di aseguro.

Asistencia tambe a worde solicita di ATCO pa asina por a habri e materialnan cu tabata kimando. Vocero policial kende tabata na DIARIO, tabata manda mensahe via radio pa pueblo keda tranquil.

Loke tabata haci e situacion peligroso ta e hecho cu tabatin diferente quimi-